

買卜稽疑是買疑病深何藥可能醫夢中說夢重重妄牀上安  
牀疊疊非列子御風徒一本有待夸夫逐日豈無疲勞多未有  
收功處踏盡人間閒路歧

逍遙吟

吾道本來平人多不肯行得心無厚味失脚有深坑若未通天  
地焉能了死生向其間一事須是自誠明  
人生憂不足足外更何求吾生雖未足亦也却無憂天和將酒  
養真樂有詩勾不信年光會催人早白頭  
夜入安樂窩晨興飲太和窮神知道泰養素得天多日月任推  
盪山川徒琢磨欲求爲此者到了是誰何

道藏輯要

擊壤集

古

四星集七

何事感人深求之無處尋兩儀長在手萬化不關心石裏時藏  
玉砂中屢得金分明難理會須索入沈吟

放小魚

纖鮮不足留此失一生休放爾江湖去寬渠鼎鑊遊更宜深避  
網慎勿悞吞鉤天下多庖者無令落庶羞

再和王不疑少卿見贈

乍涼天氣好何處不堪遊鴻雁來賓日鷹鷂得志秋忘形終夕  
樂失脚一生休多少江湖上舟船未到頭

重九日登石閣

三首錄一

事出一時間時過事莫還當時深可愛過後不堪看夏去休言